

青山集卷第十八

當塗郭

祥正字功父

五七字古詩三十首

志士吟二首

郡材欣向榮志士寂無託獨鳥千里飛天末孤雲泊
越女殊西子秦聲異別鶴守貞不辭貧怡怡內常樂
高歌曳金玉其聲震寥廓歲華忽已晚志士將奈何
摧車眷前脩淅澤無餘波知命守窮賤脫屣南山阿
出從麋鹿游坐與猿鳥歌采菊復采薇聊以養天和

聞砧

天潢轉斜白庭菊汎團露紈扇辭玉織雲幄含幽素
濕螢遍踈牖寒蟬鳴外戶南鄰發砧響涼夕敢虛度
不作舞衣裳爲君理繒絮邊積多苦寒先秋寄征戍

秋扇

輕素裁團扇投君掌握中爲君却煩暑動搖挹涼風
一朝霜飈至羅幃袞被重辭君且屏跡棄置隨斷蓬
物理古如此用捨安可窮願君千萬壽執熱還相逢

庭竹

眷此庭中竹羅生橫十尋踈踈挺高節密密敷清陰
好風每相過流塵詎能侵其下無蔓草其傍遠脩林

結根自得所非高亦非深誰復採笙簫玉宇思和音

賞蓮

濯濯水中華香艷勝蘋藻英英泥中根絜素常自保
房實又堪食無一不爲好乃知金仙經譬諭肆論討
遊焉集賓僚賞詠固宜早一朝霜飈至莖葉變枯槁
抑亦如佳人妍媚忽衰老顧眄豈復憐棄置不足道
幽懷向君開芳樽爲傾倒木末誰能塞愁煙起孤島

將至金陵謁曾子開侍郎

秋空久不雨漠漠風卷沙胡爲起高興昨夜辭山家
明投金陵郭府觀凌紫霞公解豫章榻我停銀漢槎

一傾別後言電電鳴交加借公口中春發我枝上花
又如出地雷空山走龍蛇公能結明主我亦思無邪
但驚歧路別進退各有涯浮生能幾時鬢髮忽已華
會合豈易得兵厨酒仍佳慎勿學謝安捫涕空感嗟

雙泉軒贈太平守梁正叔

開池得雙泉因泉構華屋池中種菱荇池上列花竹
與春蘸新紅遇風搖淨綠輕鷗自飛舞纖鱗隨出縮
操舟往江海端憂龍蜃觸卷衣入山林而防虎狼欲
豈如一凭欄俯仰快心目朝吟吟有餘暮醉醉不足
雙泉長涓涓比公享天祿公歸民懷公聽我雙泉曲

徐子美楊君倚李元翰小酌言舊

南方多苦熱北地尤苦寒徐子掾昭宜七載濱夷蠻
楊李仕并代毳裘霜雪殘一朝相續歸相看涕洟瀾
捫涕喚家僮草草羅杯盤念昔共庠序垂髫競癡頑
及今過六十各各嗟衰顏光陰信如馳生死無百年
妻兒半凋喪少喜多憂患吾方慕陶潛行歌眷南山
山氣日夕佳吾廬未嘗關猿鳥相與居絲桐時一彈
三子方急祿遑遑未能閑努力佐州縣須防官長難
暫當陪我醉餘事不足言

寄題九江陶子駿佚老堂

未老已先佚構堂名佚老與其寵辱驚何似歸來早
淵明乃吾祖此道能自保歸來無一事時時為酒惱
紙帳春氣融不寐聽春鳥關關枝上語報我竹間曉
我醉未能起尔音一何好却笑世間人忘憂種萱草

復雪

連朝雪復雪吾獨擁紅爐樽中亦有酒不為飢寒驅
目前奚所憂所憂在村墟去年旱兼水二稅多逃逋
十家九乏食往往死路衢空山嗥虎豹深淵卧龍魚
飛鳥各斂翼廣莊斷行車倚門獨悲訶陽氣何時舒
將至壽陽謁朱行中龍圖作

魏臺公送我春風花落盡壽陽我訪公蕭蕭朔風緊
且復念殘年鬢髮安得鬢高才久外補惠愛益不泯
聊歌古柏行歌罷仰天哂長淮白魚肥冰壺酒堪引
暮春之月謁廬守陳元輿待制作

百年憫秋霜念念流運歇一昨辭周行於今鬢垂雪
幽獨誰為扶寸心徒自折翻然駕柴車賓闕重款謁
與公論襟期及此陽春月英英欄中花滋露正妍發
濁濁瓮中醪浮醅想芬列朝廷用直道郡邑罕所闕
嫵婉我之友皎若環與玦良辰不同樂衰暮空惜別

廬陵樂府十首

妾搗纖纖手一拂白玉琴琴聲寫三疊寄妾萬里心
朱絃斷可續妾心常不足纔驚楓葉丹又見楊枝綠
望君君未到妾兒寧長好雲鬢懶重梳從教似秋草
鴻鴈殊未來思君一彈琴泠泠別鶴語折盡幽蘭心
蛛絲漫相續難繫驂騑足白日無時停雲鬢寧長綠
年華要不老不若丹青好對之雖無言猶勝種萱草
與子初執手効彼瑟與琴子去既不返誰復知我心
寶刀能切玉願斷金烏足留住枝上春花紅葉長綠
懊惱復懊惱憔悴變妍好不見庭中蘭埋沒隨百草
妾身厭塵埃專心託君子感君一面眄涸轍逢秋水

雍容未經年結誓同生死胡爲忽言別短書無一紙
愁思魂夢飛鵲語不成喜歲晚君不來紅粧爲君洗
嗟峨姑射山綽約飛行子絳唇啓皓玉明眸漾寒水
方平與麻姑相期永不死手披黃庭經金字寫青紙
胡爲謫人間離合溢悲喜妖桃凝露珠東風任吹洗
庭下幽花冪寒霧金鴨冷煙無一縷從君別妾駕紅
鸞望斷三山無覓處平時曲調休重舉長袖空垂不
成舞醒眼牽愁送春去獨立殘陽與誰語
英英玉山禾乃是鳳凰食鳳凰殊未來禾生亦何益
幽香眷春盡孤根含露寂委棄同蒿萊咄嗟人莫識

自君之往矣幽房守歲華眉頭勻翠淡裙帶縷金斜
魂魄空成夢音書不到家憑誰度庾嶺和淚寄梅花
粉黛元知假丹青豈是真桃花初過雨溪水暗流春
眼眼隨雲斷書書託鴈頻漁郎自迷路狂殺武陵人
不作巫山雨螺川久住家欲知冰未釋須信玉無瑕
對局拈棊子開窗摘杏花誰能諳此意紅日又西斜

妾薄命

雌鳳始營巢妖桃半敷萼憶昔嫁君時相逢一何樂
朱顏妾未變白眼君先惡君恩不下濟妾意正難託
空床春寂寥孤燈夜蕭索哀絃時一彈彈終淚還落

怨別二首

渡江君別妾恨不如桃葉桃葉解隨君渡江不用楫
妾旣不得隨渡江楫如飛自憐妾命薄江頭還獨歸
一步一回首碧雲凝落暉空將盈掬淚和粉洒羅衣

古詩云桃葉復桃
葉渡江不用楫

團扇不遮面欲君永相見胡爲忽別妾舫逐南風便
君行妾獨處妾復誰爲主正似晚春花零落隨風雨
有情頻寄書莫令書更踈却羨路傍草到處逢君車

古詩云團扇復團扇團扇遮人
面相見不得親不如不相見

代古相思

妾面如花開妾心似蘭死花開色易衰蘭死香不已
願持枯蘭心終焉託君子君行胡不歸兩見秋風起
鴻鴈只空來音書無一紙夜夜夢見君朝朝懶梳洗
不憶霜月前絲桐爲君理千古萬古悲悠揚逐流水

擬桃花歌

酣酣桃始花灼灼粉面笑粉色射花光奪盡丹青妙
藍衫馬上郎風流亦年少語言雖未通精誠默相照
斂容緩步復掩門只見桃花不見人輕紅淺白正含
露欲落半開將送春凝心駐馬日漸晚隱忍時時下
前坂回頭又不見桃花唯有青山遮醉眼揚鞭擊鐙
歌團扇相見不如不相見逢人寄語問桃花春殘吹
洗落誰家

怡軒吟贈番禺張孝子

古云蜀道難蜀道之難難於上青天孝子尋親不辭
遠草躡負米離番川西從荊州望蔓國捫蘿躡石穿
林巔峽山愈深人迹絕但聞悲風冷澗聲潺湲汲汲
鑽火行復冷夜宿茅屋衣裳單回首江南路九千一
見歸客吞悲酸寄聲吾母形骸安慎勿爲語皮皴乾
涪州城西遇征蠻城門防盜白晝關撫膺仰天涕洟
瀾見親之難難於蜀道難成都漸近心稍寬踴躍可

得瞻耆顏父昔離家子方孕子得見父今壯年胡弗
歸兮死敢請慰我慈母心懸懸三往三返又十載孝
子執轡方言還番人聞歸競嗟喜夫婦白首重團圓
誅茅立屋奉甘旨陳侯篆榜名怡軒春禽啼壺助春
飲綵衣自舞春風前鬻金饌玉非我欲但願眉壽雙
松堅朝熙熙暮熙熙誰將朱絲繩奏我怡軒詩

憶劬亭山作

忽憶劬亭山翠碧千萬尋白雲拂地弄晴影黃猿嘯
晚清人心桃花流水三月深柳絮披煙辭故林重樓
複殿据山脚像塑制度祠非淫晉時謝守曾賽雨至

今石上鐫遺吟五言雅重叅二典琅琅一誦鏗瓊琳
綠潭無底白玉沈千載何人知此音李白騎鯨出滄
海回鞭曾宿岵巖岑却泛虛舟弄溪月紫霞之杯傾不
歇醉來更約崔宗之秋水玄談清興發數公逸駕何
當還悵望英風不可攀信道相看兩不厭古來只有
劬亭山

青山集卷第十八

一
 二
 三
 四
 五
 六
 七
 八
 九
 十
 十一
 十二
 十三
 十四
 十五
 十六
 十七
 十八
 十九
 二十
 二十一
 二十二
 二十三
 二十四
 二十五
 二十六
 二十七
 二十八
 二十九
 三十
 三十一
 三十二
 三十三
 三十四
 三十五
 三十六
 三十七
 三十八
 三十九
 四十
 四十一
 四十二
 四十三
 四十四
 四十五
 四十六
 四十七
 四十八
 四十九
 五十
 五十一
 五十二
 五十三
 五十四
 五十五
 五十六
 五十七
 五十八
 五十九
 六十
 六十一
 六十二
 六十三
 六十四
 六十五
 六十六
 六十七
 六十八
 六十九
 七十
 七十一
 七十二
 七十三
 七十四
 七十五
 七十六
 七十七
 七十八
 七十九
 八十
 八十一
 八十二
 八十三
 八十四
 八十五
 八十六
 八十七
 八十八
 八十九
 九十
 九十一
 九十二
 九十三
 九十四
 九十五
 九十六
 九十七
 九十八
 九十九
 一百

青山集卷第十九

當塗郭 祥正字功父

古律哀挽三十首

神宗皇帝挽詞二首

物物皆成化熙熙十九春壽觴方奏樂法座忽流塵
 遺治前無古稱宗孰有神煙霄歧路別百辟共沾巾
 原廟工初畢神遊竟不還鼎湖龍馭遠湘岸竹枝班
 謚號尊逾聖陵基別有山陵去諸陵三十餘里九重春忽暝四
 海慘愁顏

王丞相荆公挽詞二首

間世君臣會中天日月圓裕陵龍始蟄鍾阜鶴隨企
畜德何人紹成書闔國傳回頭盡陳迹麟石卧孤煙
公在神明聚公亡泰華傾文章千古重富貴一豪輕
若聖丘非敢猶龍耳強名悲風白門路啼血送銘旌

哭梅直講聖俞

生事念死隔欵如過鳥飛長空不留迹清叫竟何之
死者固已矣生者謾相思昭亭雪塞山相遇忘寒飢
解劍貫濁酒果餽躬自携掃除長少分曠蕩文章期
贈蒙以太白自謂無復疑及將起草茅謹札還先馳
邀我采石渡爛醉霜蟹肥沉吟望夫曲朗詠天門詩

險絕必使和九魚豈龍追篇篇被許可當友不當師

予嘗以師禮見聖俞聖俞不予當也

凌晨掛高帆公行我言歸一別三四

秋音問山中稀去年集選曹僮瘦馬力羸訪公國東
門問我來何時青芻與白飯諸子爭賈持論新復談
故謂我今逾竒南還得長篇萬里銜光輝此德未去
報仆音裂肝脾栢栢萬人英不遇終愁羈一官止太
學薄命吁可悲所嗟吾道喪斯文竟何爲譬彼卞子
玉棄置汙濁泥鳳來無嘉禾啄肉紛群鴟彼蒼厥有
主此理安無欺嗚呼如之何酸嘶復酸嘶

哭夏寺丞公酉

齊山鬱愁煙鏡潭墜孤月佳人去不還生別成死別
有才曾未施負冤終莫雪世情多返覆美玉不如鐵
無路攀魂車隔江寄清血

哭子點

五歲養育恩一朝隨埃塵琅琅讀書聲在耳猶如新
哽哽臨絕言喚爺眉屢顰永痛卑栖邑醫脉非良真
微疾遽夭殤吾家失麒麟嗥天天莫知拊地地不聞
淚迸睛欲枯腸斷臯愈辛汝卧長夜臺我孤大夢身
後嗣復誰望有車已摧輪佳鷄墮危巢異芳零短春
黃泉無白日青塚多愁雲哀絃寫悲歌吊汝真漠塊

哭宗叔致政大將軍

文鋒困挫離場屋武略縱橫動冕旒國士傳家雖有
子將軍終老不封侯抱冰末路垂三紀埋玉空山第
一秋餘汎江東藉雲蔭載瞻遺像涕交流

故臨川太守石公挽詞二首

憶昔江頭別悲歡失後期姦言誣直節在獄累明時
白玉元無玷青天孰可欺有兒能雪耻泉壤釋餘悲
半道逢豺虎吞聲力已窮命從冤獄喪言有諫臣公
玉樹埋長夜金魚委斷蓬旅魂雖獲雪千載起悲風

陳伯育承事挽詞二首

海鶴冰爲骨霜潭月作心要賓唯飲酒焚券不論金

公因二子登第盡召鄉人素負公金者合飲折券二千餘緡

相望縈離恨何嗟得計音

春回墳草綠誰伴夜臺吟

二子皆攀桂一生唯好吟夜臺如得句泉路孰知音
飲態思頽玉交情失斷金莫芻何以報折盡老夫心

鄒宣德挽詞二首

憶昔姑溪上分携歲月賒清標冰有骨靜德玉無瑕
不殺居爲戒傳經大厥家西山問仙籍公合在煙霞
靜樂疇能匹脩然几杖間有兒專使節無念落塵寰
流水歸何處孤雲去不還成仙應蛻骨誰謂掩泉關

哭漳州蔡溫老秀才

交遊氣槩如君少患難扶持及我多萬里相思魂往
返一書報死淚滂沱文場決策終難必旅館捐軀可
奈何猶得有兒傳素業幾時歸葬舊山坡

楊次公侍講挽詞二首

力學窺前古扶經翊太平樂成天地格桃正祖宗明
知命窮猶達趨玄死亦生世無班馬筆誰爲勒幽銘
孤進終難達文章誤此生纔趨王府講已夢玉樓成
遺篋書千卷招魂酒一觥空餘淮上月不到夜臺明

楊次思博士挽詞

有志吞戎虜成書達帝庭長江傾學術短炬速年齡
玉樹埋蒿壤泉臺掩夜扃功勳何可問不得上丹青

亡友留君儀挽詞二首

信報君儀訃將如吾道何交遊亡玉樹涕淚瀉金波
三子先凋泯一身纏病痾人生誰不死遺恨獨君多
壯子皆先隕親喪未啓櫬病成終不愈魂散若爲安
結義從今泯遺編忍復看亭開基石處雲水想漫漫

吊故友吳延之屯田

吳老歸泉後人間未有君春深耒陽草月亂采江雲
孤嘯猿求侶哀鳴鴈失群姑溪一樽酒遙酌五峯墳

哭亡友李公達

忽得凶音淚不收可憐英氣墮荒幽天垂北斗夜臺
靜虎嘯西風墳樹愁學道未行嘗自信高名雖在復
何求謾携一榼招魂酒獨對脩江想獻酬

吊黃塘寺知白上人

今日黃塘寺昔年知白師悟禪兼悟律能盡亦能詩
舊卷春涵暝新墳月掩悲餘生我何有騎馬送衰遲
吊亡友表世弼太博

自掩斯人骨西山秀色低文章驚早悟壽夭理難齊
絕壑沈寒玉空江沒斷霓兒孫今賣宅感舊只酸嘶

三亡詩

榮翁周詢仲謨苦於學腹實五車書尤明禮樂事畫就百

幅圖獻之 神宗朝不報還舊廬白頭着青衫老憤猶

欲舒佐邑曾未赴瞑目忽已殂何子敏中仲文稍家富恬

不為利拘執筆工詞章科第學有餘終遭有司黜才

命誠難俱今聞亦長往令我勤悲吁二家各有子素

業傳門閭登科既同籍奔喪又同途李君洙聖源出世

胄軒軒珮瓊琚計偕冠多士場屋喧名譽晚乃樂高

隱賣藥荒村墟愈貧愈自信純潔不可汙天胡奪其

齡否極泰則無斯人皆舊遊想望空踟躕顧我雖未

死目眊霜盈鬚近酒已先惡趨時迹尤踈飛章乞殘

骸輕舟下重湖將投永安泊訪舊相歡娛那知死生

隔三秀同時枯欲為招魂篇悲風涕沾濡

擬挽歌五首

百年苦役役一死已休休惟我方自適妻子空悲愁

滿樽奠美酒滿盤薦珍羞我終不可起汝情謾悠悠

送我入蒿里寂寞無春秋

形壞影亦滅有神竟何依漠漠空木中豈知經四時

以此為長年誰人不同歸兒孫汝勿泣朋舊汝勿悲

歲月易經過冥默終相期

生前勢有殊死去分始齊且將耳目靜安用親舊啼
鴻鴈任南北日月隨東西陵谷亦已變道化復何爲
于生動以擾既死靜且潛黃土假面目青草爲鬢髻
榮華春風吹憔悴秋霜露迴嗟在世人不識此理廉
枯骨螻蟻餘空棺蔓草纏欲訴既無路欲窺不見天
休休可奈何達道乃自然

青山集卷第十九

青山集卷第二十

當塗郭 祥正字功父

五字律詩五十首

四皓

彼美四賢老高風萬古寒去逃秦鼎鑊歸識漢衣冠
翼翼羽翰就堂堂宗社安商山弊廬在還入白雲端

晚望

久客心嘗折登樓望轉迷風傾蘋葉亂雨重柳條低
未得趨金馬何當似木鷄細尋鄉國路愁聽暝鷓啼

即事

北戶風欺幌南橋水拍城柳長無嫩色鶯老有新聲
書秩看慵卷茶甌不厭擎故園何日返此地獨含情

幽居

春晚堪行樂幽居獨閉門忘形付詩酒吾道委乾坤
壞壁蝸涎亂殘經鼠跡翻交遊今已絕孤坐欲何言

江亭

江亭孤坐久野望眼偏明映日浮雲薄搖風細柳輕
出墻新笋熟拍岸晚潮生遣僕沽春酒幽歡取次成

遣意

髮爲煙嵐禿愁因患難添徑荒無過客筍迸任穿簷

啁雀誰能遣鷺鳥不用占有巾堪漉酒聊欲効陶潛

春水

春水碧泱泱平堤映綠楊田疇資灌溉鷗鳥共徜徉
放餌愁空掣浮杯興最長晚風吹細浪仍送落英香

早起

客愁偏早起衰病愜晴明索酒防春瘴披衣聽鳥聲
舊書慵檢閱新客懶逢迎何日籠樊啓再歸溪上耕

初夜

初月未成魄瘴天雲霧低浦昏船競入林密鳥爭栖
褊性憐幽獨香醪自挈携布衾今夜冷猶得避兒啼

可惜

可惜花飛盡春歸客未歸艱難行路險老大賞心稀
翰墨誰曾問漁樵與願違江干空駐目藜杖得相依

客禁

客禁何時釋驚魂夢裏歸深憂隣虎穴那得並魚磯
草色欣欣茂螢光箇箇微殘生苦多難搔首掩荆扉

卧柳

冉冉碧濠邊三株細柳眠根欹元着水葉大鎮藏煙
不作棟梁用豈憂斤斧先春風任飄泊客意亦留連

水漲

山雨連朝注溪流沒草亭蛟鼉方汹汹鴻鵠自冥冥
只恐翻河漢終當見日星波瀾平地作嗟嘆未曾經

水花

水畔花饒笑歌枝映小亭日光烘欲醉江色冷還醒
淺白渾迷鷺殘紅尚襯萍幽人頗蕭索此地要頻經

西齋二首

西齋吾所構簷角頗依林蕭洒松篁影暄和燕雀音
青春那肯住白髮任相侵稍悟淵明樂時時撫素琴
西齋吾所愛一徑綠蘿深終日聽新鳥令人忘故林
地偏無客到山潤有苔侵禍患須安命優游不廢吟

南樓

兀坐南樓夜攔竿俯列星村遙喧瓦鼓塔近震金鈴
濕草埋昏瘴飛蟲接小螢物生皆有理吾亦委頽齡

自貽

自恨心肝拙題詩愈不工癡迷循磨蟻辛苦打窓蟲
妙道知何補多言自取窮不如長寂默塊尔白頭翁

溪岸

溪岸逢春暮柔條儘意攀輕鷗翔近渚好鳥響空山
小艇長歌側孤雲自往還遠遊成底事白首憶鄉關

要客

要客來何晚重乾漉酒巾玉琴虛別操藤榻恐流塵
山暗蕭蕭雨花辭短短春杖藜慵緩步愁殺獨遊人

城南

淡沲城南路參差柳絆煙稻秧纔一寸蠶子始三眠
曲折藏花地暄和載酒天清江深有興只欲解歸舩

夜興

日沒草堂陰收書復掛琴閉門人跡絕危坐客愁深
星漢光鏗動湖山氣象沉常娥如借月蚊蚋莫相侵

夕陽

夕陽沉谷口海水接天南歸鳥自成陣暝山如半酣

看雲貪負仰面移杖忽遺簪幽獨誰相過人情老始諳
遷居

殊方留滯客遷館避諠譁破榻依寒竹踈窓對晚花
燕歸疑識面烏噪默懷家囊橐無書卷新愁有五車

交遊

一作閩南客幽憂忽過春交遊半卿相蹤跡自埃塵
未附垂天翼空成涸轍鱗吾廬松菊在悵望熟溪濱

微寒

廣潦生寒夜幽人獨倚樓渚涯迷海若燈火想漁舟
雷鼓蛙爭響雲天月暗流未應時序變初夏返如秋

旅食

旋煮青芹滑新炊白稻香僧居同淡泊旅食幸康強
未擬沈湘水深防死未陽上書終自達聖世本虞唐

客問

來時麥未吐今見秀盈畦投竄還遭石登雲孰有梯
尔讒徒似錦吾醉只如泥行止無勞問空山杜宇啼

廢閣

鼙鼓其猶在排空閣已摧燕愁尋舊棟蟻盡傍新苔
月色閑圓缺風聲自去來廢興何可問劫火亦成灰

松風

夜寂松風度魂清客枕寒琴聲傳不盡詩句寫應難
驟雨傾瑤砌真珠落玉盤隱居如可訪吾欲跨翔鸞

揮扇

四月長汀郭晴多暑氣濃欲眠難藉草選蔭必依松
綠水遙思濯青雲底處逢西巖殘照盡揮扇待疎鍾

寓館

一徑松陰合重門院落深客來聽鵲喜春過惜鶯吟
風月時經檻塵埃不到襟黃庭看在手白雪任盈簪

松檻

淒淒松與檻夾徑碧濛濛未辨雪霜操同霑雨露功

低枝翻翠蓋垂葉密樊籠它日為梁柱掄材合至公

立夏

歲旦辭江國炎天客瘴鄉浴陂群鳥白含霧野梅黃
恨別山隨眼消愁酒滿觴殘魂終易斷回首只茫茫

深夜

四天垂翠碧一水湛星辰寂寞殊方夜漂流片葉深
帝鄉勞夢想客路只風塵鐘鼓還催曉深慙釣渭濱

競渡

競渡傳風俗旁觀亦壯哉棹爭飛鳥疾標奪彩龍回
江影渾翻錦歌聲遠震雷輕生一餉樂時序密相催

傷春二首

臘月花開盡中春不見花柳陰空拂地草色漫平沙
客路心常折僧窓鬢自華故鄉何處是瘴海暗天涯
春雨時時暗春花眼未經生涯隨過鳥世態委浮萍
瘴霧何由避蠻歌不忍聽誰家有醇酎吾欲醉兼醒

西池

雨漲西池水微瀾拍畫橋不愁蓮芡沒唯恐棟梁漂
扶杖防危步移床避晚潮何當風日爽一舞看纖腰

積潦

積潦連江海春撞銳劍鋒郡城千丈折民食五年凶

雨脚懸麻直雲頭發墨濃忘機唯白鳥不解避蛟龍
自笑

自笑姑溪客還投瘴海邊不才無進路多病復殘年
欲種千竿竹將求二頃田人生底事足且愛酒涓涓

喜晴

瘴鄉仍久雨生事念樵漁江海雲歸盡乾坤日上初
短垣張澣服幽圃理殘蔬佐國知無術聊欣病體舒

城上

危步欲何適城頭獨杖藜水歸滄海後雲散暮天時
秋色長空淡笳聲迥野悲泥沙埋熟稻一穗亦無遺

獨醒

野性惟伶酒無聊遂獨醒風塵雙白鬢天地一青萍
鵬鳥寧須賦離騷未是經回頭付陳迹終欲醉冥冥

邸報

立法新三省論材只數公簿書期會正風俗見聞同
戎狄瘡痍後朝廷氣槩中不才思獻賦天路恐難通

官情

官情聊落甚況在九溪邊瘴霧易成雨颶風偏覆船
水殘餘盜賊村迥少人煙欲達中州信迢迢路六千

自遣

骨相殊屯賤無官只有階半生萍梗過兩鬢雪霜排
去國腸空斷求田心未諧新交莫相笑中立一枝柴

西庵

一庵丹荔下更與畫橋隣不許塵埃到每期風月親
好音聞度鳥斜影辨踈筠拂拭白藤榻歌眠穩病身

雨過

雨過添幽事寒裳步暖沙竹梢含淨霧藤刺罨輕槎
鷗鷺雙隨浪蜻蜓對覓花老夫詩思愜頗覺日沉車

野寺

野寺盤山腹高秋雨霽天拂簷雲漫漫穿竹水涓涓

接食憐馴鳥楮筇暮老禪經年無客到門巷疊青錢

青山集卷第二十

青山集卷第二十一

當塗郭 祥正字功父

五字律詩五十一首

晚晴

川漲那堪雨今朝喜晚晴幽花縈露重濁水止蛙鳴
圩稻應全刈村醪可強傾吾雖無一畝亦足慰餘生

屏迹

屏迹已恨晚疲軀今自由百年無七十一日有千憂
覓酒開青眼憑詩遣白頭莫言賓客少池上兩三鷗

却卧

曉起梳頭畢開牕却所時素煙收枕席紅日上藩籬
仰面看書卷移床近酒池紛紛萬方事安用老夫知

無客

病久人情厭經旬客不來簾因風力卷門待月華開
柳上新蟬咽城頭暮角哀勞生隨物化孰免葬蒿萊

門巷

肅肅秋容淨蕭蕭門巷深荆榛元自合車馬少過尋
問婢催蔬熟呼兒取酒斟藤床未成寐野鳥噪歸林

賦分

賦分從來薄明時敢妄干六年悲對獄五十速休官

水送雲天淨山開洞壑寒一枝能息影何假北溟寬

農事

三歲悲農事官倉亦已貧勅書雖赦獄恩澤未蘇民
南國供輸大中宵涕泗頻一心隨草木無復念沈淪

野望

暑雨收殘候秋雲結薄陰山光翠兼紫水影淨還深
竹密群鷗入天空一鴈沉興來搔白首衰颯愧儒林

日暮

倚杖孤亭久無心辨俗訛暮山青掃淀秋漢白浮波
岸震歸船鼓村喧刈稻歌未收西望眼問罪有干戈

歸燕

天外秋風勁梁間燕羽稀營巢雛未老何地汝成歸
蜃澤多樓閣茅堂無穿機故園春色動還趁社前飛

遣懷

節物驚心事搏金菊放花潛魚防餌釣高鴈避城笳
南浦秋風冷西江夕照斜異鄉消息斷林外更聞鴉

搗衣

清秋送殘暑隔屋忽聞砧遠震星河夜遙興闌塞心
欲知針縷密即是淚痕深它日功成後逢人寄好音

植杖

獨往憐漁艇群飛愛暮鷗誰云天地窄自伴水雲遊
荇葉青爭老蓼花紅半收江頭人事絕植杖我何憂

空囊

床有牛衣卧厨供石髓食此身知是幻卒歲不為難
冰合潛蚪冷雲深病鶴寒青錢無得選空掛一囊看

秋笛

清秋聞笛弄獨立露霑衣天外雲留住水中龍未歸
悠揚聲益苦感激思何微不似前春聽梅花片片飛

黃山二首

秋物已蕭洒臨高念歲窮陣收群鴈沒峯斷片雲空

月色山川內笛聲關塞中西人未柔服長策在諸公
秋晚陟浮丘西臨古渡頭兵聲沈斷岸橋影散中流
雪讓蘆花密雲排稻穗稠乾坤均帝力草木豈能酬

柴門

水落煙村迥柴門四五家晚風回斷鴈寒雨側幽花
世事紛無已人生自有涯鯨鼉真可釣吾興欲乘槎

復寒

三月閩南國陰寒變慘淒市樓添酒價山雨勒鶯啼
田父憂春種商人怯路泥何當好風日稚子浴清溪
元輿携酒見過三首

永日門常掩欣聞五馬過社餘巢燕入花散蜜蜂多
望斷千山綠愁來兩鬢皤肝腸思一濯須藉酒為河
酒味年來美携觴約屢過交情貧始見詩思老仍多
許國心嘗赤思家髮任皤誦君新得句秀色攬山河
沈毅陳夫子談兵孰與過運籌知必勝善將不論多
漢陣千重黑胡沙萬里皤如聞洗戈甲誰為挽天河
雨中喜君儀要溫老希聖同見過二首

蕭蕭山寺雨漠漠暮雲寒不恨麻衣薄深愁酒盞乾
離披花刺眼容易雪衝冠要客能相過寧辭濕錦鞍
萬里鄉園別一春風雨多亂蛙聲闐急歸燕舞綠何

石榻昏苔蘚柴門暗薜蘿
檨株方自笑忽枉故人過
謝君儀携酒要客慰嗔愁
寂二首

佳客過窮巷良朋復可要
靜緣棋局亂愁逐酒杯銷
花底鶯鶯聲度林間雨
點飄晚春頻一醉何必擬
松喬
讒人未投比君子獨相親
歲月驚春晚壺觴慰我貧
松聲風外急山色雨中新
一醉無歸夢寧論寂寞濱
白蓮啓日上人退避長老
之命以四韻高之
結宇古城邊能詩復悟禪
鉢分摩詰飯池種遠公蓮
竹飈春煙靜禽歌夜月圓
潔身吾有趣回首謝塵緣

送李絳伯華戶曹

國士苟微祿携家千里行
鄉關寒食節郵舍冷猿聲
落日和雲盡離觴與淚傾
銜冤仍送別何以慰浮生
和石聲叔留題君儀基石亭二首

高才攄遠趣鑿石架危亭
宿鳥依林白春苗接海青
雲光隨帚亂泉響置琴聽
况得少陵句宜鑄座右屏
因山基大石華榜揭高亭
畦稻翻新綠山嵐浮遠青
鳥行雲際度松籟雨餘聽
安得吳生畫爲予傳小屏
謝君儀寄新茶二首

建溪春物早正月有新茶
得自參軍掾分來居士家
輾開蠶玉餅湯濺白雲花
一啜清魂魄醇醪豈足誇

北苑藏和氣生成絕品茶豈宜分旅館只合在仙家
點處成雲蕊看時變雪花琳琅得新句又勝玉川誇

曉起聞禽寄元輿

幽鳥語清晨惚間宅禁人只知添白髮不覺度青春
救過須三省觀空止一塵賢交如未棄時送濁醪醇

寒食感懷示子晞二首

柳暗青春暮鶯啼靜院陰鄉關隔寒食父子共沾襟
未舉鵬天翼聊爲鵬舍吟驚魂招不得時節感人深
寒食金波淚它鄉此日心草連天際色泉斷隴頭音
先塚三年別飛埃萬里侵只憑歌枕夢時到謝山陰

寒食元輿見要南樓把酒

五馬登城埽千分載酒船無家寒食客小雨惜花天
循撫恩何厚飄零命最遭閑愁不用遣一醉暫成仙

夜雨感懷二首

夜雨霏霏難霽溝塍復亂蛙輕寒侵病骨餘響暮空階
杜子嗟沾濕莊生失渚涯通宵不成寐歸思瀉長淮
羽毛零落易摧傷父子同幽瘴鄉歸夢不成殘夜
雨空階滴滴到愁腸

憶小子鼎

元朝別家去音信隔三春讀易應終卷端居莫患貧

定交踈燕雀養節慕松筠冤獄何時辨思兒淚滿巾

排悶呈元輿

交態非今薄人情自古難弊裘甘我老雄劍請君彈
魂逐雲峯斷心依酒海寬百年能幾許日月似跳丸

懷天騫

築室君先隱窮塗我正難流鶯春谷暖別鶴玉琴寒
泉響日經時聽雲光抵暮看異方空浚眼何日共幽歡

元輿三月三十日致酒

衰病仍爲客相依過一春和篇驚韻險把酒沃愁頻
紫燕巢方穩黃鸝語尚新何時公赴召終欲託車輪

元輿試北苑新茗

建溪雖接壤春末始嘗茶旋汲隣僧水同烹北苑芽
月圓龍隱號雲散乳成花貢入明光殿分來王謝家

別南樓

寄榻六十日朝朝上碧城雲光隨近遠山色變陰晴
濠靜魚頻躍樓空燕不驚它時那復到欲去重含情

四月一日

有瘴從今始斯須雨復晴草蒸蛇肆毒榛密鵬嘗鳴
晚食宜防飽村醪可強傾何時擊歸鐙高眎嘆浮生

俗傳晚食不可令飽飽
即中瘴須數飲以禦之

別濠上

自得莊生樂觀魚近碧濠觸萍時鼓鼙防餌不投刀
柳挹春風靜鷗眠夜月高捨旃吾有適滄海釣鯨鰲
聞舊居教樂

昔作幽人宅今爲舞女場燕驚絃管雜草避綺羅香
誼靜雖殊致興衰自有常遙憐巖桂下誰拂讀書床
登清音亭二首

已別城樓景還登樹杪亭地高隣北斗山遠接南溟
蟾影依雲斷樵歌隔浦聽客愁安用遣此處可忘形
薄暮杳何適高高登古亭地無南國瘴簾卷半空星

石瘦長人立潭春皓雪停短才吟不就終欲付丹青
雨中懷元輿

暫阻龍山雨還思鳳閣人凌雲曾獻賦薄霧豈藏身
酒釀公田秫羹調紫豉尊稍晴應見過酬唱莫辭頻
雨晴都按口号呈元輿

雨爲華筵止晴牽飲興長管絃隨晝永羅綺散風香
衛仗留春碧宮衣想赭黃明年今日事歸捧祝堯觴

青山集卷第二十一

青山集卷第二十二

當塗郭 祥正字功父

五字律詩五十首

元輿憐我復有漳南之行以翹局不可出
遂置一搏託公域弟酌發眷眷之情於此
可見矣以四韻謝元輿并呈公域弟

憐我萬里別南荒多瘴埃身為官事隔酒託故人開
飲德知難報論歡默可猜宗家有毛女冰潔勝寒梅

公域美姬姓毛
毛女古仙人也

與元輿論詩而風雨驟至

一作城頭飲重論別後詩倏然雲雨至應有鬼神悲
叙事公偏富求聲我最知賡酬三百首餘韻付咸池
元輿近詩加妙用寄四韻

誰識子昂孫新詩靄暮雲體兼諸謝備名與少陵分
今去知無敵從來自出羣南山能射虎只許李將軍
謝元輿送鮮鯉煮酒

鮮鯉江湖味香醪日月春撫循時有贈飽暖遂忘貧
玉縷空投筋金波謾入脣交情今乃見晚節共松筠
招攷祐二長老嘗茶二首

無物滋禪味來烹北苑茶碾成雲母粉香濺碧松花
消渴梅何俗安神术謾誇清談嘗數碗莫笑老盧家
昔人多嗜酒今我酷憐茶軟玉裁成餅輕雲散作花
石泉助甘滑腸胃滌煩邪却怪少陵客曾無新句誇
追和故友袁世弼酬攷老四韻

坐諷湯休句闍南朱夏時碧雲生海嶠清吹散松枝
救物寧論報安禪不履危江東飽芹蕨肯赴野人期
寄題建陽王祖聖朝奉南澗樓

郎省辭榮早樓居鶴髮翁響分南澗水清占北窓風
紫府雲常近黃塵路不通何當陪杖屨有意學冥鴻
壺公山方卿墓亭

卷三十一
二
鄞國棠陰在壺山墓草黃慶源長不竭善訓永無忘
燕雀春風裏煙雲碧瓦傍命書何日下潛德發幽光
至節日君儀見過誦思猿佳作

不赴郡樓宴能過野寺門撫循悲節物飄泊任乾坤
瘴霧經霜盡溪潮向晚渾思猿有佳作敢爲倒清樽
雨懷安止三首

春雨霏霏難霽齊春山阻俊遊綠迷芳草恨紅濕落花愁
古劍空彈缺踈簾懶上鈎何當生羽翼一日似三秋
身隔空山雨心同物外遊成篇超俗格開卷釋新愁
鸞鳳翔青瑣蛟龍掛玉鈎重吟垂翼句春氣返如秋

雨隔陳夫子僧坊懶獨遊閉門誰復過欲語已含愁
病翼深防彈驚鱗遠避鈎交情君勿替松柏挺霜秋
聞惠休師將浮海如吳省寶覺禪師

去興已翩翩輕包赴海舩霧收山翠濕月出浪華鮮
鼓動看風力浮沈信佛緣何時達鍾阜重省寶公禪
雨霽懷進醇老

宿雨洗林扃開窻曉色清池深魚競躍花落鳥頻驚
結友論三益營居共一城風騷真有意世事久無情
覽進醇老詩卷

羈拙海上州歲晚得師遊句寫碧潭月篇成清夜秋

雲根龍洞鑿花氣蜜房收此理何人達營營在白頭

同蕭英伯登淨惠寺山亭二首

策杖輕衣愜凭欄遠目明清江排暮釣綠野碎春耕
嗜酒今非勇題詩尚有情薄遊攀俊德唐相舊家聲
一徑穿林麓幽人借杖扶西山螺頂秀乃南塔筆鋒孤
好鳥當花語輕煙襯草鋪登臨情未足暝色欲吞吳

又和英伯四首

亭出林巒表春歸氣象明江晴稚子浴田暖老夫耕
弱柳禁風力游絲柰客情欲歸歸未得愁聽杜鵑聲
野興憐詩逸春醒要酒扶登臨同俊哲笑傲不羈孤

日落金霞卷江翻雪浪鋪閩山又寒食何日到東吳
亭臨天外搆春物望中明客興託詩酒野心怜釣耕
露花如有恨風柳自含情何事子規鳥故為腸斷聲
開亭當險絕疑有百神扶江靜群鷗集天空一鷄孤
落英紅錦碎狂絮白氈鋪試問江南信歸帆至自吳
送惠休師浮海如吳

遊吳興不淺直欲跨真鴻豈畏海波險自明禪性空
柁樓瞻北斗帆索悵東風我欲江南去音書却易通
雨中酌君儀所送酒有懷

冬雷知不密地震復如何海角晴明少客心真愛慮多

白鷗欺浪舞黃鳥挾春歌幸有故人酒門深掩薜蘿

午日送酒與元輿

前歲菖蒲酒臨汀共一樽迴思當觸網猶有未招魂
抱義君偏厚餘生我尚存都城酬此酌佳節可重論

樂遊軒呈運使陳大夫

狹徑通蕭寺墻開薜荔陰坐聞松籟奏歸待月華沉
雅待賢人樂清無俗坐侵一軒寧久駐四海望為霖
西池水漫蓮葉資深勸予理之

短短芰荷葉深深野水漫何神能止雨無術理驚湍
久客懷三徑包羞拘一官賞心那復數歲望骨毛寒

稍霽二首

稍止今朝雨猶埋瘴嶺雲亂流安可塞故老未嘗聞
陰怪群難數陽光晚漸分僅能存井邑不復念耒耜
霖霖霖晝夜積潦接郊郭小艇家家有危棹處處扶
稍晴人共喜却暖鳥爭呼海若一何暴幾翻天地樞

自和二首

已喜收微雨還愁合暮雲潮痕殊未減屋折獸頻聞
天地溟濛內山川早晚分吾民方乏食何以慰耕耘
猛風來半夜駭浪却平郭避地憂橋斷登山借杖扶
馬牛真不辨老稚亂相呼安得瞻晴景蒼苔繡戶樞

淨惠橋亭為水所漂因勸寬老葺之二首
惻悵風兼雨西橋半夜摧青龍真變化白鳥漫驚猜
蕩瀟無遺迹登臨不再來道師如好事重為購良材
水漲西橋折重來路已差簷牙翻駭浪石脚沒平沙
夢想追塵迹湮沉嘆物華何人能起廢壯觀老禪家
送陳輯都曹致仕還鄉

賦筆驚場屋高才歎陸沈官遊今日盡野興暮年深
黃菊看看秀青雲處處陰君懷能亢爽吾意亦侵尋
舟經彭澤謁靖節祠

彭澤江邊邑蕭疎靖節祠煙昏鹿皮畫草暗菊花籬
詠德今千載言歸彼一時男兒要出處此道幾人知
竹子灘逢廣漕張公詡二首

泗水初傾蓋西江再逆舟策能誅賊滅心不為身謀
夜永談無寐樽空幸少留遲明還惜別飛檣下灘頭
會合嗟無酒留連漫索茶晚雲隨落日歸鴈集寒沙
自達聊安命多言任指瑕吾宗有令弟恩復出君家

吾弟蒙正為
公美所薦

螺川送別王公濟朝奉還臺

亭上客送客江頭山映山白醪須酌盡彩鳳欲飛還
帆轉疎林外煙生遠渚間離愁自堆積輒莫唱陽關

送郭晦叔知海州

凜凜汾陽秀螺川舊徒居文名動場屋孝節冠鄉閭
御史論才久方州獵等除朝廷終器使宗廟得璠璣
英州煙雨樓

江路分韶廣城樓壓郡東妓歌星漢上客醉水雲中
潑墨天涵暝鋪綃月映空登臨逢此景不復念途窮

南山禪院

棟宇新成寺黃金貼翠微山眉一雙碧江帶兩條飛
亂石森門戟晴雲作地衣薰絃誰與奏松響自瀉珠璣
廖華國史君致酒

飛蓋穿林外行厨就竹間酒狂思海瀉歌響遏雲還
逸驥方騰躍疲駑強附攀磨崖記名姓長伴水潺潺
同穎叔脩撰遊吳圃分得須字

地與浮丘接花如錦帳鋪杜康傾琥珀海若獻珊瑚
老竹爭抽笋幽禽自引雛人生行樂尔富貴亦何須
即席和穎叔送別四韻

二月溟濛雨春寒返似秋玉觥浮濁浪蘭楫擬滄洲
自顧駑駘困寧攀逸驥遊楚歌彈未徹歸思已難留
蔡梧州叙拜禮用四韻謝之兼送別

卓犖金閨客經過慰老夫能當韓子拜深愧孟生愚

開卷詩千首論交酒一壺春風送和氣連夜入蒼梧
寄東莞李宰宣德

舊友幾人在寧嫌雙鬢皤一生長作客九死漫悲歌
歲月驚秋速關山恨別多君須陟臺省吾欲隱松蘿
送象守賈正夫朝奉還臺二首

六載爲南郡歸時雪滿顛一家纔度嶺單騎欲朝天
介潔終無玷精神老尚全十分愁別酒魂斷鵠亭前
十載音書絕扁舟忽見過有樽傾別酒無妓唱離歌
海闊春光少城空瘴霧多羨君先度嶺猿叫隔雲蘿

追和李白金陵月下懷古

唐格

歷覽古都會金陵冠南州天開鐘阜倚江轉玉繩流
異代有興廢前賢歸塚丘草沒烏衣巷塵埋結綺樓
城空龍虎踞臺罷鳳凰遊默想秦淮月曾悲玉樹秋
和穎叔千歲棗

彼美祇園棗玓同玉井舩後期千載熟今日萬珠圓
地潤仍依佛欄深自暮煙結花雖最晚藏核莫如堅
鴨脚看何小鷄頭羨未全種來誰共老服久必成仙
大食移根遠番禺記著連舊名稽藥錄新賞著詩編
甜出諸餽上香居百菓前黑要虛羨尔紅皺豈爲然
柔脆憐金鳳飄零歎木綿諷苞丹荔賦精奪寶刀篇

卷二十二
靜夜風回海清秋月蘸天綠山要客集翠顆繞枝駢
邂逅爲公壽娑娑與世延暮鐘催酒散嘶馬引旗旋
今作中州瑞元從異國傳何當廣栽植欲以慰飢年

青山集卷第三十二